

Қоғамдық кеңестің 2023 жылғы атқарған жұмыстарының есебі.

Ақсуат аудандық қоғамдық кеңесі Қазақстан Республикасының 2015 жылғы 2 қарашадағы «Қоғамдық кеңестер туралы Заңына» сәйкес құрылып, 2022 жылдың 7 қазан күні толық құрамда бекітіліп жұмысын бастады. Қоғамдық кеңес құрамына 11 адам кіріп, төрағағына «Тарбағатай» газетінің редакторы **Ерғали Жұмаханов** сайланды.

Ақсуат аудандық қоғамдық кеңес жанынан:

1. Экономикалық реформалар, бюджет, кәсіпкерлік қызмет, агроөнеркәсіп кешені, экология, қоршаған ортаны қорғау, табиғат ресурстарын тиімді пайдалану, тұрғын үй коммуналдық шаруашылығы мәселелер жөніндегі.

2. Халықты әлеуметтік қорғау, денсаулық сақтау, білім беру, мәдениет және спорт, депутат өкілеттілігі, әдеп және заңдылық мәселелері жөніндегі.

3. Қоғамдық тәртіп заңдылықтарының сақталуы, сыбайлас жемқорлыққа қарсы іс қимыл әрекеттері туралы жұмыс комиссиялары құрылып ол комиссиялардың төрағалығына **Бұлантаев Айдарбек Арғынбекұлы, Кемербаев Бақытжан Ахметұлы және Жәлелбеков Сабет** сайланды.

Ақсуат ауданы қоғамдық кеңесінің құрамына 5 адам сайланды.

Қоғамдық кеңестің жылдық жоспары жасалып бекітілді. Қоғамдық кеңес отырысы тоқсанына бір рет өткізіліп отырады. Қоғамдық кеңес жыл ішінде 10 мәселе қарады, 27 нормативтік құқықтық актілерді қарап келісім беріліп, екеуі кері қайтарылды. Қоғамдық кеңес аудан орталығындағы Желі техника учаскесінің бастығы **Е.Рахметжановтың**, Желі пайдаланушыларға қызмет көрсету мекемесінің басшысы **Д.Қатпиннің** халыққа қызмет көрсетуде атқарып отырған жұмыстарының есебін тыңдады. Аталған мекемелер басшылығы бүгінгі таңда Аққала, Серіктес ауылдарында ALTEL/Tele 2 4G байланыс базаларының орнатылғанын, Жәңтікей ауылында ALTEL/Tele2 4G баланысына қосымша ағым беріліп мобильдік интернет жылдамдығы көтерілгенін. Бүгінгі таңда Ақсуат, Ойшілік, Тана Мырза, Құмкөл, Қарғыба, Ескі училище, Екпін, Аққала, Көкжыра, Серіктес, Сәтпаев, Көктүбек, Жәңтікей, Қожакелді елді мекендерінде байланыс және интернет желісі істеп тұрағанын, ал 2024 жылы Кіндікті, Қызыл кесік және Үштөбе ауылдарына Антенналық мұнаралар орнатылатын болса ALTEL/Tele2 4G мобильдік байланысы және мобильдік интернетпен қамтылатын болады деп хабарлама берді, яғни мекеме бұл мәселелерді шешуде бірқатар жұмыстар атқарған. Жалпы бұл мәселеде ауыл әкімдерінің де белсенді жұмысы қажет екені атап өтілген. Сонымен қатар қоғамдық кеңестің келесі отырысында «Ақсуат ауданы арнаулы әлеуметтік қызмет көрсету орталығының» басшысы **Д.Жанаттың**, «Ақсуат ауданы жартылай стационарлық жағдайда арнаулы әлеуметтік қызмет көрсету орталығы» коммуналдық мемлекеттік мекемесінің басшысы **Л.Сарсенбаеваның**, «Психологиялық және педагогикалық түзету кабинеті» коммуналдық мекемесінің басшысы **Ә.Жақиянованың** «Қожакелді батыр» атындағы орта мектеп жанындағы бюджеттік интернатта тәрбиеленушілердің білім алуына, тамақтануына, сабақтан тыс демалуына, жатын орындарының жеке гигиеналарының талапқа сай жасалған жағдайлары және оқу тәрбие мен әкімшілік шаруашылық жұмыстарына жалпы басшылық жасауда интернат меңгерушісі **Ғ.Әділханұлының** 2022 жылы атқарған

жұмыстарының есебі тыңдалды. Жоғарыда аталған үш мекеменің жұмысы да бүгінгі күн талабына сай жүргізіліп отырғаны айтылып өтті. Десе отырыс барысында айтылған кемшіліктер бойынша жұмыстар атқарылған мысалы: **Д.Жанат** басқарып отырған мекемеде бұрыннан есепте тұрып келген стандартқа сай емес 10 адам есептен шығарылған. Жалпы бұл мекемедегі екі бөлімшеде қамқорлықты қажет ететін ересек адамдар және мүгедек балалар есепте тұратын 106 қызмет алушыға 41 әлеуметтік жұмыскер 8 түрлі қызмет көрсетеді. Қызметкерлер өздеріне бекітілген адамдарға жетісіне екі рет барып отырады. Жалпы қамқорлықтағы адамдарға демалыс, сауықтыру орындарына барып дем алуға, медициналық көмектер беруге, протез-ортопедиялық, гигиеналық т.б. құрал жабдықтар алынып беріліп, мереке күндеріне байланысты арнайы іс шара, мүмкіндігі шектеулі адамдар арасында ірі түрлі спорттық сайыстар, қызметкерлер арасында тәжірибе алмасу, семинар кеңестер өткізіліп отыру әдетке айналдырылған. Сол сияқты жыл ішінде үй кезегінде тұрған қызмет пайдаланушы екі адам үй алған.

Л.Сарсенбаева басқарып отырған мекеме қызметкерлері орынның тарлығын тиек еткен болатын биылғы жылы ол мекеме жаңа ғимаратқа көшірілді. Биылғы жылы 19 071 600 мемлекеттік сатып алу заңы бойынша ашық конкурсты ұтып алып, 50 орындық ғимарат салуға жобалық сызба әзірленуде. Бұл мекемеде қызмет алушыларға барлық қолайлы жағдай жасалған 3 мезгіл тамақтанып, қажетті дәрумендер мен көкөністермен қамтамасыз етіледі.

Мейірбике **Т.Слямжанова**, психолог **Г.Тойшыбекова** білімдерін көтеру курсына барып келді. 5 қызмет алушыға мемлекеттен бөлінген арнайы квота бойынша күрделі хирургиялық ота жасалды. Тірек қимыл аппараты бұзылған, қол қимыл қозғалысы нашар дамыған балалар өздігінен тамақ ішуді, киінуді, төсек- орындарын жинастыруды, жалпы күнделікті тұрмысқа қажетті өзіне -өзі қызмет көрсетуге дағдылануда. Осындай еңбектің арқасында тәрбиеленушілер жетістіктерге жетуде. **Серікбекұлы Еларыс Семей** қаласында «Тоғызқұмалақтан» өткен параолимпиядада 2-орын алса, **Н.Төлеуғазыұлы «Бочча»** ойынында 1- орынды жеңіл отлетика бойынша **Е.Талғатбекұлы** 60 м, 200м қашықтықта екі жарыста да жүлделі 1- орын иеленді. **Үржар ауданында** өткен «Үміт оты-2023» атты облыстық шығармашылық байқауда қол өнер номинациясы бойынша «Оюлы әлем» матадан панно құрау арқылы **Е.Талғатбекұлы** мен **Н.Талғатбекұлы** Бас жүлдені ұтып алды. Бұдан басқа да жетістіктер жетіп артылады. Бұл осы мекемеде жұмыс атқарып жатқан **Ә.Мұқаева, Қ.Оңғарбекова, Н.Алмас** т. б басқа қызметкерлердің талмай еткен еңбектерінің жемісі. Мекеме жұмысын жандандыра беретін болады деді басшы.

Ә.Жақиянова басқарып отырған мекемеде бүгінгі күн талабына сай жұмыстар атқаруда. Кеңес отырысында мамандар жетіспеушілігі туралы айтылған еді, қазір толықтырылды. Мекеменің негізгі мақсаты ерекше білім беруге қажеттілігі бар балаларға кешенді психологиялық-педагогикалық білім беру. Бұл мекемеде мамандар ата –аналармен тығыз байланыс орнатқан түрлі психологиялық тренингтер, сауалнамалар өткізіп, жеке кеңестер беріп, «ашық есік» күндерін өткізуді әдетке айналдырған. Мысалы мекеме қызметкерлері **Н.Қырықбаева, Н.Бауыржан, Ж.Мәулет, Г.Ерланқызы, К.Исқакова, Б.Жұмабеков** алар мамандықтарына байланысты ата-аналармен, тәрбиеленуші балалармен «Ата анамен бала арасындағы қарым қатынас», «Баланың белсенді сөйлеу, дыбыс айту, тілін

дамыту, тұтықпаны түзету» атты семинар, «Оқушы- ұстаз -ата- ана» үштік одақ ынтымақтастығы «Баланың бас ұстазы ата- ана» т. б. әр түрлі тақырыпта тренингтер өткізген. Мекеме меңгерушісі Ә Жақиянова бастаған барлық қызметкерлер облыс орталықтарында өткен конференцияларға, семинарларға, кәсіби біліктіліктерін артыруға арналған әдістемелік курстарға қатынасып отырған. Оқушылар «Бояулар құпиясы» атты IV-республикалық суреттер мен фотосуреттер байқауына қатынасып 13 оқушы 1- дәрежелі дипломмен марапатталса, «Шексіз әлем» атты республикалық балалар шығармашылық сайысына 8 оқушы қатынасып, сертификатқа ие болған, маман Алғыс хат алған. Жалпы мекеме қызметкерлерінің еңбегі бағаланып келеді, соның нәтижесінде, Мұғалімдер мерекесіне орай мекеме ұжымы Қазақстан Республикасының оқу -ағарту министрі Ғ.Бейсенбаевтың «Алғыс хатымен» марапатталыпты.

Интернат меңгерушісі **Ғ.Әділхановтың** жұмысында бірқатар кемшіліктер орын алған мекемеде гигиеналық талап сақталынбайды, жылу батереялары аз, туалет біреу ғана жуынатын, балалар дем

алатын, сабақ қарайтын орындар талапқа сай емес. Стол орындық, шкафтар ескірген. Интернат меңгерушісі өзінің қызметтік міндетін толық түсінбейді. Мектеп директорына осы мәселелерге байланысты интернат меңгерушісіне тәртіптік шара қолдану тапсырылды және ол орындалды. Қоғамдық кеңес отырысынан кейін интернатта бірқатар жұмыстар атқарылды. 2023 жылға интернаттың жылу жүйелерін толықтыруға, есіктерін ауыстыруға, терезе резиналарын жаңалауға, санитарлық тораптарға, өрт қауіпсіздігі шиттеріне сылақ жұмыстарына ағымдағы жөндеуге аудандық бюджеттен қаражат бөлінді. 42891,927 теңгеге ашық конкурс өткізілген, 41500,000 теңгеге «Тавани» ЖШС-гі жеңімпаз болып танылып жұмыстар атқарылды. Интернаттың едендерін ағымдағы жөндеуге 22759,47тг бөлініп 18800,000 «QAZAQ CONSTRUCTION LTD» ЖШС-гі жеңімпаз болып жұмыстар толық аяқталды. Қазіргі таңда интернатта жылу қалыпты жағдайда. Санитарлық тораптар жұмыс істеп тұр. Бөлмелердің орындықтары, тумбалар, столдар толық жаңаланды, жалюзилер орнатылды. Оқу тәрбие жұмыстары ойдағыдай жүргізілуде.

Қоғамдық кеңес сонымен бірге Ақсуат аудандық почта байланыс мекемесінің басшысы **Р.Жанарбековтың** аудан көлемінде жүргізіліп жатқан малдәрігерлік – эпизотиялық жұмыстардың жүргізілу барысы туралы мекеме басшысы **С.Қонысбаевтың**, Ақсуат ауданы ішкі саясат, мәдениет, тілдерді дамыту және спорт бөлімінің басшысы

Ғ. Атыхановтың қоғамдық пікірлерді зерделеудегі, оны жинақтап, жүзеге асырудағы, қоғамдық саяси ахуалды тұрғындарға жеткізуде атқарып отырған жұмыстарының жәйі туралы хабарламасын тыңдады.

Аудандық почта байланыс мекемесіндегі орын алып отырған бірқатар кемшіліктер атап айтқанда, газеттердің уақытында таратылмауы, почтальондардың, кейбір почта меңгерушілерінің еңбек ақысының төмендігі, жұмысшылардың тұрақты жұмыс істемеуі, кейбір ауылдағы почта мекемесінің ғимараттарының жеке орналаспағаны, құрал жабдықтармен толық қамтамасыз етілмегені туралы айтылды. Қоғамдық кеңес отырысында мекеме басшысы бұл кемшіліктерді қолға алып, жолға қоюға уәде берді. ШҚОФ АО

« Қаз пошта»Тарбағатай аудандық пошта байланыс бөлімшесі құрамынан 2023 жылдың 01 қарашасынан бастап бөлініп ,жаңадан Абай облысы бойынша «Қазпошта» АО филиалы жаңа Ақсуат пошта байланыс торабы болып құрылды.Қазіргі таңда жаңа пошта байланыс торабы болуына байланысты штаттық кесте бекітілуде. Қоғамдық кеңес отырысында қойылған сұраққа байланысты 2,7 бірлікке 3 почтальон қараша айынан бастап жұмысқа қабылданып,қазірде жұмыстарын атқарып жатыр.Баспа басылымдары толық таратылуда,сыннан қорытынды шықты.**Екінші мәселе бойынша мал дәрігерлік мекемесінің** жұмысы бойынша бруцеллез ауруының тыйылмай отырғаны,қаңғыбас иттермен жұмыстың нашарлығы,өлген алдардың өлексесін жинаудағы қиындықтар,жылқы малының ИСЖ-ға толық тіркелмеуі сияқты, дезинфекцияның уақытында жасалмауы, Екпіннен басқа ауылдарда мал сою алаңдарының жоқтығы сияқты мәселелерге сындар айтылған. Осыған байланысты мекеме басшысы **С.Қонысбаев** бұл аталған мәселелер бойынша барлық ауылдарда мал дәрігерлік пункттері ғимараттарымен және мал дәрігерлерімен қамтамасыз етілгенін,автокөліктерінің ескі болса да бар екенін,ауылдарда мал өлексесін тастайтын қорымдар салынып жатқанын хабарлады.Сонымен қатар барлық ветеринарлық шаралар уақытында орындалып отыр,бруцеллез ауыруын тыю мақсатында жұмыстар қатаң тәртіппен жүріп жатыр, биылғы жылы ауру ошағы анықталған 201 қора жәйға 33488 шаршы метр аумаққа арнайы дезинфекция жасалған, аудандандағы Екпін,Құмкөл,Көкжыра,Өйшілік ауылдарындағы «Барқытбел»,«Нұрбах»,«Болашақ»,«Манақ» шаруа қожалықтарына шектеу қойылған . «Сібір жарасына,«Пастереллез»,«Аусыл»,

«Қарасан» ауруларына қарсы түйе, ірі қара,қой- ешкі егілсе» Эхинококкоз»

« Құс тұмауына» қарсы ит пен құстар дәріленген.Жеке адамдардың өтініші бойынша 493 ит,мысықтар ауланып ,жойылған.Қазіргі күні «Ақсуат Вет»КМК мекемесінде 26 жоғарғы білімді мал дәрігерлері,27 орта білімді вет- фельдшерлер,48 санитарлар келісім шарт негізінде ,жыл көлемінде жұмыс жасап келеді.Ауыл әкіміне мал өлекселерін жинайтын арнайы көлік берілсе,дезинфекция жасайтын машиналар алынса деген ұсыныстар да айтылды.

Аудандық ішкі саясат бөлімінің басшысы Ғ.Атыхановтың атқарып отырған жұмыстарын тыңдаған қоғамдық кеңес мүшелері халықпен пікір алысуда әлі де науқаншылдық басым екенін,пікір сайыстары сирек өтетінін әр түрлі пікірдегі адамдармен кері байланыс орнату назардан тыс қалатыны,әр түрлі бағыттағы сауалнамалардың аз жүргізілетіні туралы айтылды.Сөз барысында мекеме үлкен үлкен 4 бөлімнен тұартыны ,бар жоғы 5 адам ғана жұмыс жасайтынын,олардың бар бөлімге бірдей жауап беруге үлгермейтіні тілге тиек етілді.Келешекте ішкі саясат спорттан бөлінсе деген ұсыныстар болды.Сонымен қатар жастар ресурстары орталығында компьютер,бейне камера,фотоаппараттар,дронь сияқты құралдардың жоқтығы,көп жағдайда өздерінің меншігін пайдаланатыны да ескертілді.Десе де бөлім **басшысы Ғ.Атыханов** ішкі саясат бөлімі бүгінгі таңда ауқымды мәселелермен нақты шұғылданып отырғанын,ақпараттың көптігіне қарамастан бәріне де үлгеріп отырғанын,ауылдар да аудан орталығында да барлық жоспарланған іс шаралардың ұйымдастырылып,уақытында өтіп жатқанын,науқанды жұмыстарға адамдардың көптеп қамтылуын,олардың пікірлерін жинақтап уақытында жауап беріп отыруын әдетке айналдырғандарын,әлеуметтік желілердегі

пікірлерді үнемі қарап отыратындарын, оған сараптама жасалатынын пікірлерін ескеріп отыратынын жеткізді. Баспасөзге жазылу, газеттерге мақалалар беру, кездесулер өткізу жоспарлы жүргізіледі. Жастар да назардан тыс қалған емес олармен тығыз байланыста болатындарын, қоғамдық ұйымдармен де тығыз байланыста жұмыс жасалатыны айтылды. Дөңгелек столдар, тренингтер, пікір сайыстар семинарлар жоспарға сай өтіп отырады. Келешекте бүгінгі отырыста айтылған ұсыныс пікірлерді басшылыққа алып кемшіліктерімізді түзетіп жұмыс жасайтын боламыз боламыз деді. Сонымен қатар жаңа жылдан бастап спорт мекемесі бөлінетіндігі туралы айтылды.

Қоғамдық кеңестің желтоқсан айындағы кезекті отырысында аудандық білім бөліміне қарасты Ойшілік ауылындағы Тоғас батыр, Құмкөл ауылындағы Сасан Би, Тана мырза ауылындағы Ю. Гагарин, Екпін аулындағы Ы. Кабеков атындағы мектептердегі бастауыш сынып оқушылары мен аз қамтылған отбасы балаларын тамақпен және ыстық тамақпен қамтамасыз ету жағдайы туралы мәселе қаралды. Қоғамдық кеңес мәселені дайындауға арнайы сараптама тобын жасақтап, анықтамалық дайындады. Оның құрамына қоғамдық кеңес мүшелері, аудандық ішкі саясат бөлімінен және аудандық білім бөлімінен әдіскер қамтылды. Қоғамдық кеңес отырысында сарапшылар да, мектеп директорлары да хабарламалар жасады, сұрақтарға жауаптар берілді. Аталған мектептерде тамақтандыру мәселесі дұрыс жолға қойылған, бракераж комиссиялары жұмыс жасаған, барлық мектептерде мейірбикелер тамақ мәзірін күнделікті қарап, жаңалап отырады, аспаздар дәрігерлік қараудан өткен, арнайы сертификаттары бар, жұмыс киімдерімен қамтылған, тамақ ақысы аудан бойынша 650 теңге болып бірдей бекітілген, сол бойынша тамақ әзірленеді. Аталған 4 мектепте бүгінгі таңда 643 бала тамақпен және ыстық тамақпен қамтамасыз етілген. Жалға алушы кәсіпкерлер тәжірибелі жұмыс жасап жүрген адамдар. Балалар тамақтанатын приборлар жеткілікті. Сонымен қатар бірқатар ортақ кемшілік, барлық мектепте тамақтардың сертификаттарының уақыты өтіп кеткен, бұл ретте бракераж комиссиясының толық қанды жұмыс жасамағаны байқалды. Тоғас батыр,

Ы. Кәбеков атындағы мектептерінде оқушыларға таза су ішетін атқылама шағын кран орнатылмаған. Балаларға бір ретгі қағаз сүлгілер берілмейді. Мектептерде тамақ сақтайтын арнайы қойма жоқ, тамақтар реті сақталмайды. Арнайы қалдық төгетін ыдыстар не урналар жасалмаған. Тамақпен қамтылған балалардың есебінде сәйкессіздік орын алған. Тамақты сақтайтын тоңазытқыш, мұздатқыштар ескірген, жетіспеушілік бар, кей мектепте жылытқыштар жоқ. Тоғас батыр атындағы мектептен бапсқа мектептерде видеокамера дұрыс жұмыс жасамайды. Аталған мәселелер мектеп басшыларына ескертілді және тез арада қортында жасау атап тапсырылды.

Қоғамдық кеңес келешекте өз жұмысын бүгінгі күн талабына сай жалғастыратын болады.